

Folia ovata, petiolata, integerrima.

Racemi compositi.

Petala interne hirsuta, ut in Lasiantho.

Nectarii glandulae 5, ovatae, longitudine germinis, alternantes cum staminum phalangibus.

Filamenta quinque, apice in penicillum divisa. Antherae globosae. Fructus non dum visus.

Obs. Convenit petalis interne hirsutis cum Lasiantho.

XIX. SYNGENESIA.

POLYGAMIA ÆQUALIS.

hirsuta. SCORZONERA foliis linearibus cauleque unifloro hirsutis.

Tragopogon calycibus corolla brevioribus, foliis integris strictis ciliatis, caule hirto, pedunculis superne incrassatis. Gerard prov. 257.

Tragopogon hirsutum. Bauh. pin. 274.

Tragopogon alter luteus. Col. ephr. 1. p. 234. t. 233.

Habitat in Apulia.

H. U.

Folia canaliculata.

Semina hirsuta, alba papposa.

indica. LACTUCA foliis lanceolato-ensiformibus sessilibus inæqualiter dentatis.

Habitat in Java. Osbeck.

Lactuca canadensis habet maximam cum hac similitudinem: convenit Statura angusta, alta; Seminibus brevissime stipitatis

Indicæ Folia magis dentata: dentibus inæqualibus majoribus minoribusque; Foliis insuper vix petiolatis, minime amplexicaulibus. Panicula magis ramosa magisque florifera.

rudicaulis. CHONDRILLA scapo nudo, floribus paniculatis.

Chondrilla lactucacea foro juliensis. Raj. hist. 228. an?

Habitat in America septentrionali; ad pyramides ægypti.

H. U.

Folia radicalia, runcinata, extremitate obtusa, levia, denticulato-ciliata.

Scapi pauci, pedales, paniculati, recti, teretes, laeves, foliolo uno alterove minuto.

Calyx octophyllus, laevis, inferne imbricatus foliolis paucis.

Corolla pallide flava: corollulis fere 24, omnibus radiis constituentibus, obtuse quinque-dentatis.

Styli omnes discum floris constituentes, concolores.

Pappus sessilis, pilosus. Semina nigra. Receptaculum nudum.

pumilum. **HIERACIUM** scapis subunifloris, foliis ovatis, petioli dilatatis denticulatis.

Hieracium foliis ovato-lanceolatis denticulatis, petiolis dentatis. Hall. emend. 4. n. 251. Hall. flor. 42.

Habitat in Helvetia, Sabaudia. 4.

Planta vix palmaris.

Folia omnia radicalia, cordata s. ovata, subtus subto-mentosa, obtusiuscula, petiolata, denticulata. Petioli longitudine foliorum, superne dilatati denticulati, sanguinei.

Scapi uniflori, longitudine foliorum, adspersi 2 s. 3 foliolis subulatis, minutis; pubescentes, procumbentes.

Calyx pubescens, oblongus, incanus squamis acutis.

Corolla magnitudine Pilosellæ.

parviflorus. **CARDUUS** foliis basi adnatis lanceolatis nudis erosis ciliato-spinulosis inermibus.

Cirsium pratense alpinum polycephalum, asphodeli radice. Tournef. inst. 448.

Habitat in subalpinis australibus. 4.

Caulis erectus.

Folia adnata basi (vix decurrentia), lanceolata, repando-dentata, nuda, utrinque viridia, ciliata spinis inertibus, inaequalibus.

Flores terminales, pedunculati, magnitudine Serratulæ tinctoriæ, albi, stylis longioribus.

Calyx ovatus, imbricatus squamis carina nivea, apice spina inermi.

pectinatus. **CARDUUS** foliis decurrentibus lanceolatis pinnatifido-pectinatis, pedunculis longissimis, floribus defloratis cernuis.

Habitat

♂.

H. U.

Caulis bipedalis, erectus, laevis, ut tota planta inermis.